



სსიპ - ივანე ჯავახიშვილის სახელობის თბილისის სახელმწიფო უნივერსიტეტი

პროგრამის შინაარსი

პროგრამის სახელწოდება (ქართულად და ინგლისურად)	არაბისტიკა / Arabic Studies
მისანიჭებელი კვალიფიკაცია (ქართულად და ინგლისურად)	არაბისტიკის მაგისტრი Master of Arabic Studies
პროგრამის მოცულობა კრედიტებით და მათი განაწილება	<p>ოთხი სემესტრი (120 ECTS კრედიტი):</p> <ul style="list-style-type: none"> <li>➤ სავალდებულო საგნები - 60 კრედიტი</li> <li>➤ არჩევითი საგნები - 30 კრედიტი</li> <li>➤ სამაგისტრო ნაშრომი - 30 კრედიტი</li> </ul> <p>მაგისტრის აკადემიური ხარისხის მინიჭების წინაპირობაა სტუდენტის მიერ 120 ECTS კრედიტის დაგროვება და პროგრამის სასწავლო და სამეცნიერო კომპონენტის (90+30 ECTS კრედიტი) შესრულება.</p>
სწავლების ენა	ქართული ენა
პროგრამის ხელმძღვანელი/ხელმძღვანელები /კოორდინატორი	პროფ. დარეჯან გარდავაძე
პროგრამაზე დაშვების წინაპირობა	<p>➤ ბაკალავრის ან მასთან გათანაბრებული აკადემიური ხარისხი ენის დაუფლების დეტალურ სფეროში შემავალ კვალიფიკაციაში: 0231.1.18 არაბული ფილოლოგია / არაბისტიკა Arabic Philology /Arabic Studies</p> <p>0388 ინტერდისციპლინური დეტალური სფეროს კვალიფიკაცია: 0388.1.3 ახლო ან/და შუა აღმოსავლეთის კვლევები</p> <p>ძველი კლასიფიკატორის მიმართულებათშორისი კვალიფიკაცია „აღმოსავლეთმცოდნეობა“</p> <p>პროგრამაზე სწავლის გარძელების უფლება აქვს ასევე ბაკალავრს, რომელსაც გავლილი აქვს დამატებითი (minor) პროგრამა არაბისტიკაში/არაბულ ფილოლოგიაში;</p> <ul style="list-style-type: none"> <li>➤ ერთიანი სამაგისტრო გამოცდის ჩაბარება;</li> <li>➤ უცხოური ენის (ინგლისური/ გერმანული/ფრანგული) B1 დონეზე ცოდნის დადასტურება გამოცდით ან საერთაშორისო აღიარების მქონე სერთიფიკატით (სამაგისტრო პროგრამის</li> </ul>



სსიპ - ივანე ჯავახიშვილის სახელობის თბილისის სახელმწიფო უნივერსიტეტი

	<p>დამთავრებამდე B2 დონემდე ენის ცოდნის გაუმჯობესების პერსპექტივით);</p> <p>➤ წერიტი გამოცდა არაბულ ენაში.</p>
<p>საგანმანათლებლო პროგრამის მიზანი</p>	<p><b>არაბისტიკის სამაგისტრო პროგრამის მიზანია</b> თანამედროვე შრომის ბაზრისა და აკადემიური სივრცის, ასევე დარგში საერთაშორისო სტანდარტებისა და მოთხოვნების შესაბამისი ღრმა და სისტემური ცოდნით აღჭურვილი, კონკურენტუნარიანი კურსდამთავრებულის მომზადება, რომელიც სასპეციალიზაციო დარგის ინტერდისციპლინურობის გათვალისწინებით ფლობს არაბული ქვეყნების შესახებ ისეთ კომპლექსურ ცოდნას, დარგობრივ და ზოგად ტრანსფერულ უნარებს, რომელთა მეშვეობით</p> <p><b>1.</b> პროფესიულ დონეზე გარკვეულია არაბული ენის ზოგადთეორიულ ასპექტებში, ენობრივი სისტემის არსებით მახასიათებლებსა და კვლევის ტრადიციულ და თანამედროვე მეთოდებში, არაბულ დიალექტთა გავრცელების არეალსა და არაბულ დიალექტთა კლასიფიკაციის პრინციპებში; აქვს არაბული ენის მაღალი დონის წერიტი და ზეპირი კომუნიკაციური და მთარგმნელობითი უნარები და ეფექტურად იყენებს მათ პროფესიულ პრაქტიკულ თუ აკადემიურ-კვლევით საქმიანობაში, რაც მისი წარმატებული დასაქმების წინაპირობაა;</p> <p><b>2.</b> სიღრმისეულად სწვდება არაბულ სამყაროში მიმდინარე ენობრივი, ლიტერატურული, ისტორიულ-კულტურული და თანამედროვე საზოგადოებრივ-პოლიტიკური მოვლენებისა და პროცესების არსს, ანალიზებს მათ თანამედროვე სამეცნიერო კვლევის მეთოდების გამოყენებით.</p> <p><b>3.</b> აქვს ისლამის ფაქტორის აღქმისა და გააზრების უნარი არაბულ და ზოგადად, ახლო აღმოსავლეთის საზოგადოებრივ-პოლიტიკურ ცხოვრებაში; ანალიზებს არაბულ-ისლამური საზოგადოების ისტორიულ-კულტურული განვითარების თავისებურებებს; მიღებული ცოდნისა და უნარების საფუძველზე წარმართავს ინტერდისციპლინურ და ინტერკულტურულ კვლევებს.</p> <p><b>4.</b> დარგობრივ სფეროში საკითხების კომპლექსურად შესწავლისა და გადაჭრის, ინფორმაციის ანალიზისა და სინთეზის, კრიტიკული შეფასებისა და სხვა ტრანსფერული უნარების, სასპეციალიზაციო არაბული ენის საკომუნიკაციო და აკადემიური მიზნებისთვის პროფესიულ დონეზე ცოდნის</p>



სსიპ - ივანე ჯავახიშვილის სახელობის თბილისის სახელმწიფო უნივერსიტეტი

	<p>საფუძველზე წარმატებით საქმდება საგანმანათლებლო, სასწავლო თუ სამეცნიერო-კვლევითი პროფილის მქონე დაწესებულებებში, სახელმწიფო და არასამთავრობო ორგანიზაციებსა და საჯარო და კერძო სექტორში, ან აგრძელებს სწავლას სადოქტორო საფეხურზე ჰუმანიტარული და სოციალურ-პოლიტიკურ მეცნიერებათა პროფილით.</p> <p><b>5.</b> გათავისებული აქვს ცოდნის მუდმივი გაღრმავებისა და საკუთარი პროფესიული დონის ამაღლების პასუხისმგებლობა, მაღალი აკადემიური და პროფესიული ეთიკა, აქვს კულტურათაშორისი განსხვავებების, კულტურული და კონფესიური მრავალფეროვნების, განსხვავებული აზრის პატივისცემის უნარი; ახასიათებს ტოლერანტობა, მაღალი დემოკრატიული ღირებულებები.</p>
<p><b>სწავლის შედეგები</b></p>	<p>პროგრამის სწავლის შედეგები შეესაბამება განათლების სამაგისტრო დონეს და მისანიჭებელ კვალიფიკაციას (არაბისტიკა).</p> <p>სწავლის შედეგებში ასახულია ზოგადი (ტრანსფერული) და დარგობრივი კომპეტენციები, უმაღლესი განათლების კვალიფიკაციების ჩარჩოს სამაგისტრო საფეხურის აღმწერისა და ენის ფლობის დარგობრივი მახასიათებლის შესაბამისად.</p> <p>არაბისტიკის სამაგისტრო პროგრამის მიზნების მისაღწევად გამოყენებული სასწავლო და კვლევითი კომპონენტები უზრუნველყოფენ შემდეგი შედეგების მიღწევას:</p>
<p><i>ა) ცოდნა და გაცნობიერება</i></p>	<p>პროგრამის კურსდამთავრებული არაბისტიკის მაგისტრი</p> <p><b>1.</b> ღრმად და სისტემურად მიმოიხილავს არაბული ენის ზოგადთეორიულ ასპექტებს, აღწერს არაბული ენათმეცნიერული ნააზრევის არსებით მახასიათებლებსა და კვლევის მეთოდებს, არაბულ საენათმეცნიერო საკითხებთან დაკავშირებულ თანამედროვე მიდგომებს; მსჯელობს მეორე სემიტიური ენის (ებრაული) სტრუქტურის მახასიათებლებზე; განსაზღვრავს არაბულ დიალექტთა გავრცელების არეალსა და არაბულ დიალექტთა კლასიფიკაციის პრინციპებს, მათი კვლევის მეთოდებს; იყენებს არაბულ ენას მაღალი დონის წერითი და ზეპირი კომუნიკაციური და მთარგმნელობითი უნარებით; შესაბამისი ლექსიკურ-ფრაზეოლოგიური და ტერმინოლოგიური აპარატის ადეკვატური გამოყენებით ანალიზებს პრესისა თუ პოლიტიკურ ტექსტებს; კითხულობს და ლინგვისტურ ანალიზს უკეთებს არაბულ ისტორიულ, ფილოლოგიურ და ლიტერატურულ წყაროებს.</p>



სსიპ - ივანე ჯავახიშვილის სახელობის თბილისის სახელმწიფო უნივერსიტეტი

	<p><b>2.</b> არგუმენტირებულად მსჯელობს არაბულ ლიტერატურულ ძეგლთა მხატვრულ-გამომსახველობით და სტილისტურ საშუალებებზე, მათ კულტურულ კონტექსტზე; ახდენს ამ ძეგლთა სახისმეტყველების საერთო ტენდენციების ანალიზს, მიმოიხილავს მათი მეტაენის, კომპოზიციისა და სტრუქტურის კვლევის ტრადიციას; განსაზღვრავს ქრისტიანული არაბული ლიტერატურის ჩამოყალიბებისა და გავრცელების არეალს, აღწერს მისი განვითარების კანონზომიერებებს, კვლევის ფილოლოგიურ, ტექსტოლოგიურ და სხვ. მეთოდებს.</p> <p><b>3.</b> განიხილავს ყურანს, როგორც ლიტერატურულ ძეგლს და როგორც საღვთო წიგნსა და ისლამური იდეოლოგიის საფუძველს; აანალიზებს მას ენობრივ, მხატვრულ, ისტორიულ-პოლიტიკურ დონეებზე; მსჯელობს ისლამური სამართლის ძირითად დარგებზე შესაბამისი ტერმინოლოგიური აპარატის ადეკვატური გამოყენებით; აანალიზებს რელიგიური ფაქტორის როლს თანამედროვე არაბული ქვეყნების პოლიტიკურ და საზოგადოებრივ ცხოვრებაში; განსაზღვრავს ისლამისა და სამოქალაქო საზოგადოების ურთიერთმიმართების ძირითადი საკითხებს; მიმოიხილავს არაბული ნაციონალიზმისა და ისლამიზმის ურთიერთმიმართების პრობლემატიკას, არაბულ-ისლამური საზოგადოების ისტორიულ-კულტურული განვითარების თავისებურებებს.</p>
<p>ბ) უნარები</p>	<p><b>4.</b> პროფესიულ დონეზე ამყარებს არაბულ ენაზე როგორც წერით, ისე ზეპირ ეფექტურ კომუნიკაციას სხვადასხვა სამიზნე ჯგუფთან და აუდიტორიასთან შესაბამისი ენობრივ-კულტურული კონტექსტისა და ეთნოფსიქოლინგვისტური ასპექტების გათვალისწინებით; აანალიზებს არაბულენოვანი სამყაროს ისტორიულ-კულტურულ და საზოგადოებრივ გარემოსთან დაკავშირებულ ლინგვისტურ გამოწვევებსა და უახლეს ტენდენციებს.</p> <p><b>5.</b> კრიტიკულად აფასებს ენობრივი, ლიტერატურული, ისტორიულ-კულტურული და თანამედროვე საზოგადოებრივ-პოლიტიკური მოვლენებისა და პროცესების არსს, აანალიზებს მათ თანამედროვე სამეცნიერო კვლევის მეთოდების გამოყენებით. სწავლისა და კვლევის პროცესში ახდენს საჭირო ინფორმაციის/წყაროების/ტექსტური მასალის სინთეზს, სტრუქტურირებას, არგუმენტირებასა და კომენტირებას, ინტერპრეტაციასა და კონტექსტუალიზაციას სხვადასხვა პერსპექტივიდან.</p>



სსიპ - ივანე ჯავახიშვილის სახელობის თბილისის სახელმწიფო უნივერსიტეტი

	<p>6. ავლენს პრობლემის გადაჭრის, ინდივიდუალური და გუნდური მუშაობის, ეფექტიანი კომუნიკაციის, პრევენტაციისა და ინტერაქციის უნარებს შესაბამისი გარემოს, კულტურათმორისი განსხვავებებისა და კულტურათა თავისებურებების გათვალისწინებით; ავითარებს შესასწავლი და საკვლევო პრობლემის მიმართ ინოვაციურ მიდგომებს და წარუდგენს აკადემიურ და პროფესიულ საზოგადოებას პროფესიული ეთიკისა და აკადემიური კეთილსინდისიერების პრინციპების დაცვით. სწავლა-კვლევისას ეფექტურად იყენებს თანამედროვე ინფორმაციულ და საკომუნიკაციო ტექნოლოგიებს და ევროპული ენის ცოდნას დარგობრივი კვლევითი და აკადემიური მიზნებისთვის.</p>
<p>გ) პასუხისმგებლობა და ავტონომიურობა</p>	<p>7. აღიარებს და იცავს პროფესიული ეთიკისა და აკადემიური კეთილსინდისიერების პრინციპებს; ავლენს კულტურათმორისი განსხვავებების, კულტურული მრავალფეროვნების აღქმის, განსხვავებული კონფესიების, კულტურებისა და აზრის ადეკვატური გაგებისა და პატივისცემის უნარს.</p> <p>8. ზრუნავს პროფესიული ცოდნის მუდმივ განახლებაზე, ავლენს დამოუკიდებლად სწავლა-კვლევის, თვითორგანიზებისა და ნაცნობ და უცნობ (არაპროგნოზირებად, სტრესულ), მათ შორის, ინტერდისციპლინურ და ინტერკულტურულ გარემოში დროის ეფექტურად მართვისა და შრომის მაღალ დონეზე ორგანიზების უნარს, რითიც წვლილი შეაქვს სასპეციალიზაციო სფეროს დარგობრივი ცოდნის განვითარებაში.</p>
<p>სწავლება-სწავლის მეთოდები</p>	<p>სწავლის შედეგების მისაღწევად პროგრამა ლექციის, სამუშაო ჯგუფში მონაწილეობის, სემინარის, პრაქტიკულ მეცადინეობებზე საშინაო დავალების, შუალედური შეფასების, პრევენტაციის, რეფერატის, ესეს, სამაგისტრო ნაშრომის, დასკვნითი გამოცდის და სხვ. ფორმატში იყენებს ვერბალურ, წიგნზე მუშაობის, ინდუქცია-დედუქციის, ანალიზისა და სინთეზის, ახსნა-განმარტებით, ჯგუფურ, დისკუსიასა და დებატებში მონაწილეობის, დემონსტრირების, როლური და სიტუაციური თამაშებისა და სხვა მეთოდებს. ამასთან, სწავლების პროცესში გამოყენებულია დემონსტრირების თანამედროვე ტექნოლოგიები.</p> <p>დისკუსია/დებატების პროცესი მკვეთრად ამაღლებს სტუდენტთა ჩართულობის ხარისხს სასწავლო პროცესში, მათ აქტივობას, სტუდენტს უვითარებს კამათისა და საკუთარი აზრის არგუმენტირებულად დასაბუთების უნარს; ჯგუფური მუშაობის სტრატეგია უზრუნველყოფს ყველა სტუდენტის მაქსიმალურ ჩარ</p>



## სსიპ - ივანე ჯავახიშვილის სახელობის თბილისის სახელმწიფო უნივერსიტეტი

	<p>თულობას სასწავლო პროცესში; ევრისტიკული მეთოდი სტუდენტს ფაქტების დამოუკიდებლად დაფიქსირებისა და მათ შორის კავშირების დანახვის გზას ასწავლის; როლური და სიტუაციური თამაშები განსაკუთრებით ეფექტურია ენის სწავლების პროცესში და ხელს უწყობს სტუდენტის მაქსიმალურ მოტივირებას და მობილიზებას იმიტირებულ სიტუაციაში ჩასართველად. დემონსტრირების მეთოდი აუდიო და ვიზუალური გზით გვეხმარება, თვალსაჩინო გავხადოთ სასწავლო მასალის აღქმის სხვადასხვა საფეხური.</p> <p>პროგრამის სასწავლო კომპონენტის განხორციელებისას გამოიყენება სწავლების სხვადასხვა მეთოდი. ხშირ შემთხვევაში ადგილი აქვს მეთოდთა შერწყმას.</p> <p>დარგობრივი ცოდნის შეძენისას პროგრამის კურიკულუმში ჩართული თითოეული დისციპლინა, თავისი სპეციფიკიდან გამომდინარე, ირჩევს სწავლების მეთოდოლოგიურ მიდგომებს, რაც, უწინარეს ყოვლისა, გამოიხატება სწავლებისა და სწავლის სტრატეგიის განსაზღვრაში და დროის მართებულად ორგანიზებაში, ცოდნის მაღალი ხარისხის მისაღწევად.</p> <p>პროგრამის შემადგენელი კონკრეტული სასწავლო კურსის სწავლების პროცესში გამოყენებული ფორმატი და სწავლების მეთოდები მითითებულია თითოეული სასწავლო კურსის სილაბუსში.</p> <p>განსაკუთრებით დიდი მნიშვნელობა ენიჭება დროის მართებულ განაწილებას და სწავლების მეთოდთა სწორად შერჩევას სამუშაო ჯგუფებში, პრაქტიკულ მეცადინეობებსა და პრეზენტაციებისას, რადგან სწორად დაგეგმილი და განხორციელებული ზეპირი კომუნიკაცია სააუდიტორიო მუშაობას უფრო ეფექტურს ხდის.</p> <p>განსაკუთრებული მნიშვნელობა ენიჭება ენის სწავლების სტრატეგიის მართებულად შერჩევას, მისი თითოეული ეტაპის მომზადებას, სწორად დაგეგმვას, მოსალოდნელი შედეგების რეალისტურ გათვლას და მათ ეტაპობრივ რეალიზებას. ამგვარი სტრატეგიისა და დაგეგმვის აუცილებლობა განპირობებულია იმ ფაქტორით, რომ არაბისტიკის პროგრამა ენით მარკირებული პროგრამაა, რომლის ბევრი თეორიული სალექციო და პრაქტიკული კურსი სასპეციალიზაციო ენაზე და უცხოენოვან ტექსტზე ორიენტირებულ სწავლებაზეა დაფუძნებული.</p> <p>ენის დაუფლების დახვეწისა და სრულყოფის მიზნით პროგრამა სტუდენტებს ხელს უწყობს ენობრივ სტაჟირებებში არაბულ ქვეყნებში;</p> <p>სასპეციალიზაციო სფეროს ცოდნის გაღრმავების მიზნით</p>
--	--



სსიპ - ივანე ჯავახიშვილის სახელობის თბილისის სახელმწიფო უნივერსიტეტი

	<p>ყოველწლიურად ეწყობა სტუდენტთა სამეცნიერო კონფერენციები, მუშაობს სტუდენტთა სამეცნიერო წრეები. სტუდენტები ინფორმირებული და ჩართული არიან აღმოსავლეთმცოდნეობის ს/ს ინსტიტუტის მუდმივმოქმედი სამეცნიერო სემინარის მუშაობაში.</p>
<p>შეფასების სისტემა</p>	<p><b>შეფასების მოქმედი სისტემა გულისხმობს:</b></p> <p><b>ა) ხუთი სახის დადებით შეფასებას –</b></p> <p>(A) ფრიადი – 91-100 ქულა;          (B) ძალიან კარგი – 81-90 ქულა;          (C) კარგი – 71-80 ქულა;          (D) დამაკმაყოფილებელი – 61-70 ქულა;          (E) საკმარისი – 51-60 ქულა.</p> <p><b>ბ) ორი სახის უარყოფით შეფასებას –</b></p> <p>(FX) ვერ ჩააბარა – 41-50 ქულა (აღნიშნული შეფასება სტუდენტს დამატებით გამოცდაზე ერთხელ გასვლის უფლებას აძლევს; 41-50 ქულა, თავის მხრივ, მოწმობს, რომ სტუდენტს ჩასაბარებლად მეტი მუშაობა სჭირდება, რაც მან დამოუკიდებლად, ლექტორის დაუხმარებლად უნდა შეძლოს).</p> <p>(F) ჩაიჭრა – 40 ქულა და ნაკლები (აღნიშნული შეფასება მოწმობს, რომ სტუდენტის მიერ ჩატარებული სამუშაო არ არის საკმარისი და მას საგანის გავლა ხელმეორედ მოუწევს).</p> <p><b>FX-ის მიღების შემთხვევაში</b> დამატებითი გამოცდა ინიშნება დასკვნითი გამოცდის შედეგების გამოცხადებიდან არაუადრეს 5 დღისა.</p> <p>დამატებით გამოცდაზე მიღებულ შეფასებას არ ემატება დასკვნით გამოცდაზე მიღებული ქულათა რაოდენობა.</p> <p>დამატებით გამოცდაზე მიღებული ქულათა რაოდენობა (და არა დასკვნითი გამოცდის ქულები) ემატება გამოცდამდე დაგროვილ ქულათა რაოდენობას და ორივე ერთად ქმნის კურსის საბოლოო შეფასებას.</p> <p>დასკვნით გამოცდაზე დაშვების წინაპირობა: სტუდენტს სემესტრის განმავლობაში დაგროვილი უნდა ჰქონდეს არანაკლებ <b>21</b> ქულისა.</p> <p>გამოცდა ჩაბარებულად ითვლება, თუ სტუდენტი დააგროვებს დასკვნითი გამოცდის მაქსიმალური შეფასების ნახევარს.</p> <p>თუ კურსის საბოლოო შეფასება 50-ს არ აღემატება (0-50 ქულაა), ფორმდება F- 0 ქულა. შესაბამისად, სასწავლო კურსის საბოლოო</p>



სსიპ - ივანე ჯავახიშვილის სახელობის თბილისის სახელმწიფო უნივერსიტეტი

	<p>მინიმალური დადებითი შეფასება 51 ქულაა.</p> <p>ერთი და იმავე სავალდებულო საგანში სამჯერ F შეფასების მიღება წარმოადგენს სტუდენტის სტატუსის შეწყვეტის საფუძველს. ამ შემთხვევაში სტუდენტს უფლება აქვს ისარგებლოს მობილობით.</p> <p>კვლევითი კომპონენტი (სამაგისტრო ნაშრომი) ფასდება საჯარო დაცვაზე, სადაც მაგისტრანტი დაიშვება ნაშრომის წინასწარი დაცვის წარმატებით გავლის, სამეცნიერო ხელმძღვანელის სათანადო დასკვნისა და სამაგისტრო ნაშრომის Turnitin ელექტრონულ პროგრამაზე პლაგიატის პრევენციის მიზნით გატარების შემდეგ.</p> <p>სამაგისტრო ნაშრომის შეფასების მნიშვნელოვანი ნაწილია დარგის სპეციალისტის რეცენზია (მაქს. 60 ქულიდან მინიმუმ 31 ქულის მიღების გარეშე საჯარო დაცვაზე მაგისტრანტი პრეზენტაციით ვერ წარსდგება) და მაგისტრანტის მიერ კვლევის შედეგების ზეპირი პრეზენტაცია დაცვის კომისიის წინაშე (მაქს. 40 ქულიდან მინიმუმ 20 ქულის მიღება აუცილებელია).</p> <p>სამაგისტრო ნაშრომის საბოლოო შეფასება წარმოადგენს რეცენზენტის მიერ დაწერილი ქულისა და სამაგისტრო ნაშრომების დაცვის კომისიის შეფასების ჯამს.</p> <p>სამაგისტრო ნაშრომი დაცულად ჩაითვლება და მაგისტრანტს შესაბამისი კრედიტი მიენიჭება, თუ მის მიერ მიღებული საბოლოო შეფასება 51 ან მეტი ქულის ტოლია.</p> <p>სამაგისტრო ნაშრომის არადამაკმაყოფილებლად (F/FX) შეფასების შემთხვევაში, მისი დაცვაზე წარდგენა იმავე სემესტრში დაუშვებელია.</p>
<p><b>დასაქმების სფეროები</b></p>	<p>არაბისტკის სამაგისტრო პროგრამის ფარგლებში შეძენილი მრავალმხრივი დარგობრივი და ზოგადი (ტრანსფერული) უნარების დახმარებით, კურსდამთავრებული შესაძლებელია დასაქმდეს საქართველოს ყველა სახელმწიფო თუ არასამთავრობო საზოგადოებრივ დაწესებულებაში, კერძოდ:</p> <ul style="list-style-type: none"><li>• საგანმანათლებლო, სასწავლო და სამეცნიერო-კვლევითი პროფილის მქონე ორგანიზაციებში (სამაგისტრო განათლების შესაბამის პოზიციებზე);</li><li>• ბიბლიოთეკებში, არქივებსა და მუზეუმებში;</li><li>• დიპლომატიურ წარმომადგენლობებსა და მისიებში, საერთაშორისო კომპანიებში თარჯიმნის პოზიციაზე;</li><li>• სათარჯიმნო და სანოტარო ბიუროებში;</li><li>• კულტურის სფეროს დაწესებულებებში;</li><li>• ტურიზმის სფეროში;</li></ul>





სსიპ - ივანე ჯავახიშვილის სახელობის თბილისის სახელმწიფო უნივერსიტეტი

	<ul style="list-style-type: none"> <li>• საგამომცემლო დაწესებულებებსა და რედაქციებში;</li> <li>• მასობრივი ინფორმაციის საშუალებებში (პრესა, ტელევიზია, რადიო, ინტერნეტ-გამოცემები და სხვ.);</li> <li>• საჯარო და კერძო სექტორში სასპეციალიზაციო და ზოგადტრანსფერული უნარების საფუძველზე.</li> </ul>
<p>სწავლის საფასური საქართველოს მოქალაქე და უცხო ქვეყნის მოქალაქე სტუდენტებისათვის</p>	<p>პროგრამაზე სწავლის წლიური საფასური საქართველოს მოქალაქე სტუდენტებისთვის შეადგენს 2250 ლარს. უცხო ქვეყნის მოქალაქე სტუდენტებისთვის უმაღლესი განათლების მეორე და მესამე საფეხურებზე სწავლის წლიურ საფასურს ადგენს უნივერსიტეტი, ფაკულტეტი ან პროგრამა საქართველოში მოქმედი კანონმდებლობის, საქართველოს ხელისუფლების მიერ დადებული და რატიფიცირებული შეთანხმებების მიხედვით.</p>
<p>პროგრამის განხორციელებისათვის საჭირო ადამიანური და მატერიალური რესურსი</p>	<p>თსუ ჰუმანიტარულ მეცნიერებათა ფაკულტეტის არაბისტიკის სამაგისტრო პროგრამის განხორციელებაში მონაწილეობას იღებენ დარგის მაღალკვალიფიციური სპეციალისტები, შესაბამისი კვალიფიკაციის მქონე მოწვეული ლექტორები, მასწავლებლები და მკვლევრები, რომელთაც აქვთ საგანმანათლებლო პროგრამების სწავლის შედეგების გამომუშავებისთვის აუცილებელი კომპეტენცია, პროგრამისა და კონკრეტული სასწავლო კურსის პროფილის შესაბამისი აკადემიური ხარისხი, სწავლებისა და კვლევის გამოცდილება. პრაქტიკოსი მასწავლებლები უძღვებიან უცხოური ენების პრაქტიკუმს, პრაქტიკულ მეცადინეობებს და სხვ.</p> <p>სასპეციალიზაციო კურსებს უძღვებიან თსუ ჰუმანიტარულ მეცნიერებათა ფაკულტეტის აღმოსავლეთმცოდნეობის ს/ს ინსტიტუტის ძირითადი აკადემიური პერსონალი:</p> <ol style="list-style-type: none"> <li>1. შაია ანდრონიკაშვილი, ასოცირებული პროფესორი;</li> <li>2. დარეჯან გარდავაძე, პროფესორი, პროგრამის ხელმძღვანელი;</li> <li>3. ნანი გელოვანი, პროფესორი;</li> <li>4. მარიამ ნანობაშვილი, ასოცირებული პროფესორი;</li> <li>5. გიორგი ლობჯანიძე, ასოცირებული პროფესორი;</li> <li>6. ნინო ეჯიბაძე, ასოცირებული პროფესორი;</li> <li>7. ხათუნა თუმანიშვილი, ასოცირებული პროფესორი;</li> <li>8. ნინო დოლიძე, ასისტენტ პროფესორი;</li> <li>9. მირიან მახარაძე, ასოცირებული პროფესორი;</li> </ol> <p>ასევე თსუ ჰუმანიტარულ მეცნიერებათა ფაკულტეტის აღმოსავლეთმცოდნეობის ს/ს ინსტიტუტისა და შესაბამისი პროფილის სხვა ს/ს ინსტიტუტების აკადემიური პერსონალი და მოწვეული ლექტორები:</p>



სსიპ - ივანე ჯავახიშვილის სახელობის თბილისის სახელმწიფო უნივერსიტეტი

	<ol style="list-style-type: none"> <li>1. მაია ღამბაშიძე, ასოცირებული პროფესორი;</li> <li>2. ინგა ზურაბიშვილი, თსუ ენების ცენტრის არაბული ენის პედაგოგი.</li> <li>3. ნინო სურმავა, ფილ. დოქტორი, ენების ცენტრის მოწვეული პედაგოგი;</li> <li>4. ლეილა ბახტაძე, ენების ცენტრის პედაგოგი;</li> <li>5. თეა პიტურიშვილი, ისტორიის დოქტორი, მოწვეული ლექტორი;</li> <li>6. ემილ ავდალიანი, ისტორიის დოქტორი, მოწვეული ლექტორი;</li> <li>7. ომიკო ეჯიბია, ისტორიის დოქტორი, მოწვეული ლექტორი.</li> </ol> <p>არაბისტიკის სამაგისტრო პროგრამის განმახორციელებელი თსუ ჰუმანიტარულ მეცნიერებათა ფაკულტეტის აღმოსავლეთმცოდნეობის ს/ს ინსტიტუტის მატერიალური და ტექნიკური რესურსები (სამუშაო ოთახები, კომპიუტერული ტექნიკა, დარგობრივი ბიბლიოთეკა, ინტერნეტი და სხვ.) სავსებით შეესაბამება სამაგისტრო პროგრამის მიზნებსა და შედეგებს. პროგრამის სტუდენტს შეუძლია ისარგებლოს როგორც საფაკულტეტო, ისე საუნივერსიტეტო სამეცნიერო ბიბლიოთეკებით და კომპიუტერული რესურსცენტრებით, რომლებიც უზრუნველყოფენ თავისუფალ წვდომას ციფრულ რესურსებსა და სამეცნიერო ლიტერატურის ელექტრონულ ბაზებზე.</p> <p>სამაგისტრო პროგრამის სტუდენტათვის პროგრამის გამართული მუშაობა უზრუნველყოფილია შემდეგი მატერიალურ-ტექნიკური რესურსებით:</p> <ul style="list-style-type: none"> <li>• თსუ-ს კომპიუტერული ბაზები და კომპიუტერული ცენტრები;</li> <li>• თსუ-ს და ფაკულტეტის რესურს-ცენტრები;</li> <li>• ივანე ჯავახიშვილის სახელობის თბილისის სახელმწიფო უნივერსიტეტის ბიბლიოთეკები (ცენტრალური საუნივერსიტეტო ბიბლიოთეკა უნივერსიტეტის ქუჩა N11-ში; თსუ-ს ეროვნული სამეცნიერო ბიბლიოთეკა მ. ალექსიძის ქუჩის მე-2 შესახვევი N3-ში; საბიბლიოთეკო დარბაზები და წიგნსაცავები: შოთა რუსთაველის სახელობის სამკითხველო დარბაზი ი. ჭავჭავაძის გამზირი N1-ში, თსუ I კორპუსი; გრიგოლ წერეთლის სახელობის სამკითხველო დარბაზი უნივერსიტეტის ქუჩა N11-ში; სიმონ ყაუხჩიშვილის სახელობის სამკითხველო დარბაზი ი. ჭავჭავაძის გამზირი N13-ში, თსუ VIII კორპუსი; აღმოსავლეთმცოდნეობის სამკითხველო დარბაზი ი. ჭავჭავაძის გამზირი N36-ში, თსუ V კორპუსი <a href="https://www.tsu.ge/ka/library">https://www.tsu.ge/ka/library</a></li> <li>• თსუ-ს ელექტრონული სწავლების პორტალი; <a href="https://e-learning.tsu.ge/">https://e-learning.tsu.ge/</a></li> </ul>
--	--



სსიპ - ივანე ჯავახიშვილის სახელობის თბილისის სახელმწიფო უნივერსიტეტი

	<ul style="list-style-type: none"> <li>• თსუ-ს სტუდენტებს და პროფესორ-მასწავლებლებს შეუზღუდავი და ულიმიტო წვდომა აქვთ ისეთ ელექტრონულ ბაზებსა და ჟურნალებზე, როგორებიცაა: EBSCO Publishing, Cambridge University Journals, JStor, Scopus და სხვ. <a href="https://www.tsu.ge/ka/library/page/893">https://www.tsu.ge/ka/library/page/893</a> ადამიანური და მატერიალური რესურსიდან გამომდინარე, პროგრამაზე შესაძლებელია მაქს. 15 სტუდენტის მიღება.</li> </ul>
<p><b>პროგრამის ფინანსური უზრუნველყოფა</b></p>	<p>პროგრამის ფინანსური უზრუნველყოფა ხდება თსუ-ს ჰუმანიტარულ მეცნიერებათა ფაკულტეტის ბიუჯეტიდან, რომელიც უნივერსიტეტის ბიუჯეტის შემადგენელ ნაწილს წარმოადგენს. საფაკულტეტო ბიუჯეტი უზრუნველყოფს პროგრამის განხორციელებაში ჩართული აკადემიური პერსონალისა და მოწვეული ლექტორების შრომის ანაზღაურებას, პროგრამის მატერიალურ-ტექნიკური ბაზის მოვლასა და სრულყოფას, პროგრამის ფარგლებში დაგეგმილი სამეცნიერო და საგანმანათლებლო ღონისძიებების ჩატარებას.</p>
<p><b>დამატებითი ინფორმაცია (საჭიროების შემთხვევაში)</b></p>	<p>არაბისტიკის სამაგისტრო პროგრამის სტუდენტთათვის უზრუნველყოფილია მრავალფეროვანი ენობრივი პრაქტიკა. თბილისის სახელმწიფო უნივერსიტეტსა და ბევრ არაბულ უნივერსიტეტს შორის დადებულია თანამშრომლობის მემორანდუმები;</p> <p>1999 წლიდან ხორციელდება თბილისის სახელმწიფო უნივერსიტეტის არაბისტი სტუდენტებისა და პროფესორის მოკლევადიანი სტაჟირებები (სამიდან ხუთ კვირამდე) კაიროს უნივერსიტეტში; ეგვიპტის, ქუვეითის განათლების სამინისტროებისა და კატარის უნივერსიტეტის მიერ ქართული სტუდენტებისთვის ყოველწლიურად გამოყოფილი სასწავლო სტიპენდიებით კაიროს, ქუვეითისა და კატარის უნივერსიტეტების არაბული ენის ცენტრებში სრულ სასწავლო წლიანი პროგრამით სასწავლებლად მიემგზავრებიან თბილისის სახელმწიფო უნივერსიტეტის საუკეთესო არაბისტი სტუდენტები, იმენენ ახალ გამოცდილებასა და ცოდნას, ახალ ლიტერატურას, ეცნობიან თანამედროვე არაბულ სამყაროს.</p> <p>თსუ ჰუმანიტარულ მეცნიერებათა ფაკულტეტის აღმოსავლეთმცოდნეობის ს/ს ინსტიტუტი სისტემატურად მასპინძლობს ახლო აღმოსავლეთისა და ევროპის წამყვანი უნივერსიტეტების აღმოსავლეთმცოდნე პროფესორებს, რომლებიც სალექციო კურსებს, საჯარო ლექციებსა და კონსულტაციებს სთავაზობენ ინსტიტუტის სამივე საფეხურის საგანმანათლებლო პროგრამების, მათ შორის არაბისტიკის სამაგისტრო პროგრამის სტუდენტებს.</p> <p>თსუ არაბისტიკის პროგრამების სტუდენტებს რეგულარულად მიეწოდებათ ინფორმაცია საერთაშორისო სასწავლო სტიპენდიების, გაცვლითი საკონკურსო პროგრამების შესახებ და</p>



სსიპ - ივანე ჯავახიშვილის სახელობის თბილისის სახელმწიფო უნივერსიტეტი

	<p>ედლევათ რეკომენდაცია, მონაწილეობა მიიღონ ამგვარ კონკურსებში (არაბისტ სტუდენტებს საერთაშორისო პროგრამების ფარგლებში სწავლის გამოცდილება აქვთ მაროკოს ქ. რაბატის არაბისტიკულ ცენტრში, პორტოს, კორდოვის, ლეიდენის და სხვ. უნივერსიტეტებში).</p>
--	---